

Te Haere Ki Te Kura

nā Tipene Watson

Amokura

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.



He whakarāpopoto

Pānuitia te whakarāpopoto ki te ākonga. He rite tonu te āhua o te kōhanga reo ki te kura?

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena, ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou me te āta whakamahi i te papa kupu me ngā whakaahua kei te uhi. Me whakamaumahara hoki te ākonga ki te pātai i a ia anō i te wā e pānui ana ia mai i te tīmatanga ki te mutunga o te pānui.

Katahi anō a Haki ka tīmata i te kura. Ia rā, ia rā, ka haere ia ki te kōhanga reo ki te mau, ki te kohi i āna tuahine.

He pai te kōhanga reo ki a koe? He aha ai? He pai te kura ki a koe? He aha ai? He aha ngā taputapu i te kura, kōhanga reo rānei? Whakawhitiwhiti kōrero mō te kura me te kōhanga reo, me ngā rerekētanga. Matapakia ngā tāngata i te kōhanga reo, kura rānei. Kei te aha rātou? Kōrerotia ngā tāngata e mōhiotia ai e te ākonga.

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tātari, whakahau tika;
- titiro mēnā e tika ana, e pai ana hoki (mā te tataua i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei:
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuetanga o te pakiwaitara, arā, te kaupapa, te ritenga, ngā ariā mātua, te raupapatanga, ngā kiripuaki;
 - te whakatenatena i te ākonga ki te titiro ki mua, ki te matapai hoki, i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini kōpae puoro, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga

1. He aha te kaupapa o tēnei pukapuka?
2. He aha te mahi a te tama?
3. He aha te mea i hoatu e te tama ki tōna kaiako i te kōhanga reo?
4. He rite tonu te āhua o te kōhanga reo ki te kura?
5. I haere koe ki tētahi kura kōhungahunga?

Ngā whakautu ki ngā whakapuaki māramatanga

1. Te haere ki te kura mai i te kōhanga reo.
2. I kimi ia i te tauritanga o te kōhanga reo ki te kura.
3. I hoatu ia ngā āporo.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuetanga o te pukapuka nei.

Te pūtake

T He rapu mōhio mai i te tuhinga pono.

He whakatakinga ā-roro, he whakaharatau

I mua i te pānui i te pukapuka, matapakia ngā tāngata e āwhina ai ngā ākonga i te kōhanga reo me te kura.

Kia oti i te ākonga te pukapuka, matapakia ngā mea pai me ngā mea kore pai ki ngā ākonga kei te kura.

Pātaitia ngā ākonga o te ākomanga i ngā mea pai me ngā mea kore pai. Kōrerotia ētahi mea ōrite, ētahi mea rerekē rānei o ngā kōhanga reo ki ngā kura.